

楊文恪公文集

楊文恪公文集卷五十二

行狀碑誌

右布政使柳塘楊公行狀

公諱子器字名父別號柳塘世爲慈谿詩禮之族宋元以來代有顯宦贈員外公以儒醫名太宜人元城縣丞某之女性嚴有家法生男女各二人公其長子也自少負大志聞司訓錢君名特往稟學錢視其所業觀其所行乃驚曰吾不能爲子師矣處門下一年去不復更他師與故御史王君用仁共學于雲湖寺者二年及爲邑

庠弟子員遂以學行聞諸生官課多傳寫見文字君一一自爲之或笑其迂公曰即此是學非假日未嘗不升堂晝卯朔望邑大夫詣學當公講書必叅以時義寓規切之旨邑大夫爲竦然改容成化丙午浙江鄉試第二時尚書浮梁戴公爲按察使欲薦公第一不得後每以爲言明年丁未中會試第十四時大學士姑蘇王公爲本房亦以不得高薦公爲歎弘治己酉出知崑山縣政事卓然爲三吳之冠辛亥以員外公憂去崑山之民攀挽不忍捨壬子癸丑廬墓陽嘉

山中寒夜號泣至祥禪尚如初喪甲寅春服闋
乙卯除山西高平縣山西鄉試嘗爲外簾官所
薦拔多得士高平學者素寡公晝理縣事夜爲
諸生講解來學者甚衆其後高平遂齒于文獻
之邑丙辰巡撫都御史薦公才宜治常熟吏部
請于上而許之戊午三載獻績吏部署公考
居最己未拜勅命進階文林郎父母妻室受
恩典如例庚申被召冢宰錢塘倪公素聞公名
特奏爲考功主事壬戌學士姑蘇吳公舉公爲
會試同考試官所取多海內名流乙丑抗疏言

孝廟山陵有水石時太監李興爲監工官不悅
叅公妄言 朝廷命司禮太監蕭公及禮工二
部堂官同公往覆視之公與興辨論不少屈尋
下錦衣獄對語亦壯在獄中口占述懷詩數篇
意氣如平時事傳禁中 慈聖康壽太皇太后
諭司禮監傳旨釋公繫還職先是大學士洛陽
劉公等校之及兩京科道以至庶吉士進士與
夫外任知縣皆交章校之時 孝廟梓宮尚在
殯識者謂公發之當也公在弘治間多所建白
此其尤在人耳目者正德丙寅轉驗封郎中尚

書焦某初以文選員外待公公往辭之曰某
不堪此願易之乃補公驗封已巳拜 誥命進
階奉直大夫父母妻室受 恩典如例尋陞驗
封郎中未幾與尚書張某論事每不合張忌之
遷公湖廣右叅議或爲公不平公曰孔子嘗爲
棄田委吏某何人顧不屑爲方面官耶且慰太
宜人曰兒此行不惡庚午至湖廣分守辰常道
值榔桂賊起地方之憂非細分守者人人皆不
欲公願改榔桂曰吾將以效犬馬肩暑提兵戮
力平賊班師之後獨不言功是年秋轉福建提

學副使凡

勅書所載靡不奉行生員優等者

待之如賓友不堪者黜之雖貴遊子弟不曲貸

辛未捧賀

兩宮徽號表文赴京會陞河南右

叅政特公已有疾因語家人曰我固欲休致但

今河南賊起所在繹騷豈臣子圖安逸時耶壬

申抵汴城不數日抵嵩縣河洛之人聞賊走湖

廣以爲無患公策之曰湖廣土兵追逼賊必復

還汝州爲洛陽藩籬賊所必趨乃自嵩蕪程赴

汝既而賊報果至公時方食遂換箸登城四望

皆賊壘矣乃手書信牌示城中人曰不止城者

新下城者斬公晝夜坐城上調度籌畫無不
悉賊無能爲遂解圍去地方旣靖公曰吾今始
可以決歸計矣乃懇乞致仕疏下吏部冢宰石
淙楊公方欲大用公不爲覆奏尋陞本司右布
政使癸酉河南鄉試爲提調官於科場之事殫
竭心力汴城苦於遠汲公爲穿井數處水多甘
冽民甚便之是年秋轉左布政使會江西賊起
連歲未平大學士鉛山費公言于吏部奏改公
江西僉議且將以公巡撫其地命下而公逝不
及知矣蓋公在河南述職將行疾作行二日至

衛禪之衛源驛明日疾革召隨行官吏諭曰吾
殆不能起汝輩辦公事勿悞時惟次子孫辰在
側無一語及子孫事但以不獲終養太宜入爲
言竟以是日之夕卒于驛舍寔癸酉冬十二月
之三日也春秋五十有六惜哉先是僚佐勸公
買土宜以入京公曰吾爲上官而先自壞何以
率下僚時孫元以國子生在京師應順天試以
書示之曰我做官汝所知我將自備盤費以來
汝爲我僦一榻之地以俟鄉先輩于少保詩云
清風兩袖朝天去免得閭閻誚短絛我欲效之

爾計聞于京 朝廷大臣及大夫士識不識皆以公位不滿德才不究用爲惜而江西之人尤以不得公爲恨公三娶皆有淑德初娶同邑沈氏累贈宜人再娶定海邵氏封孀人三娶仁和應氏子男四長即孫元娶同邑周氏布政使津之女次孫辰娶同邑馮氏知府忠之女繼豐城屈氏儀賓榮之女次孫斯娶同邑魏氏副都御史英之女次孫龍聘同邑王氏大理少卿純之女女二人長大順適同邑王通判 之子導次小順適同邑王知府惠之子言孫男一人世憲

女一人公所著有琴堂奏草一卷吏部奏藁三
卷讀律備忘二卷家禮從宜四卷雲湖讀書記
一卷陽嘉山讀禮錄一卷長平雜稿一卷柳挂
治軍雜錄一卷八閩學政記一卷河南分守事
宜一卷詠史詩一卷早朝詩一卷排節宮詞一
卷雜詩文總若干卷若詩經義四書義及判語
則已盛行于世公天性剛介沉默重厚風儀峻
整而中實和易與人遊處恒掩其所短而揚其
所長公在吏部冢宰凡五六易雖人品不同而
同敬信公故公於所知多所論薦必密疏其人

終不令其入知之至於自處則未嘗一語于人
爲縣官時曰得做此足矣爲部屬官曰得陞此
足矣及爲方面官曰得至此足矣孫元赴順天
試時省公于汴屬之曰都下故人有問我者汝
可實以我病告之且爲我寄語知己倘有推授
幸爲遲遲勿驟自湖廣轉福建在河南巡按御
史薦之總制都御史薦之巡撫都御史薦之在
朝之公卿少司馬藥城石公薦之少司寇遂寧
黃公薦之公每見卽報及奏章恒歎歎然未嘗
有喜色公去湖廣之三年兵部始奏及鄉桂事

乃拜白金綵幣之賜歷三縣俱有遺愛崑山
有德政之誼高平常熟有去思之碑且立生祠
焉公聞之輒不樂曰以三原公盛德尚或累於
是陵之傳某何人而可以當此有請公家禮從
宜版行者公曰此但可留以示兒曹耳竟不許
公所著有印本者皆非公意也公書無不讀出
身以來無一日不開卷雖病卧不少釋或日課
字數十紙中年字學大進公好學之癖諸物莫
奪其於世俗所好無一足以動其心在吏部時
編交當世名人倡爲五經會士大夫以經學名

者不問崇卑俱延至會中或沮公曰君爲吏部
官而可與人混處耶公曰吏部官獨何異於人
吾非斯人之與而誰與耶公作縣時每縣必汲
汲脩誌曰此一邑之史有司之職不可缺也公
選鄉先輩詩爲慈谿詩選刻于常熟又有皇明
詩選未及脫稿公在吳中兒童女婦皆知公名
述公異政爲嘉話嘗曰但官負民耳民何負於
官公好論治道於六部事歷歷理會嘗曰得六
人則天下治矣爲京朝官十年來嘗一日不早
起每夜漏下三鼓方就寢自壯年至中年自小

官至尊官勤勞辛苦習以爲常京城中遇大風塵起人多以青繒蔽其面公以爲類婦人獨不用素不信鬼所至淫祠盡毀之平生企慕古人而踈闊俗士講求正學而排斥異端崇尚道義而輕略勢利孝友之行人所共知痛負外公早世遇忌祭則哭之終日宦游南北必奉其遺像與居朝暮出入拜謁事太宜人極孝每之官必扶侍以行常以古人一日養不以三公換爲言凡俸皆所入悉以辦大宜人平生不私蓄一錢凡可以悅太宜人者必極力營辦年踰五旬在

太宜人膝下尚煦煦如嬰兒狀不敢少有違忤
公弟傳員外公醫業而未有官公曰吾既有官
忍令吾弟無官耶乃爲補象山醫學訓科公有
二妹愛二妹之壻如親弟公平生不買妾喪邵
宜人時即欲不娶其娶皆以母命待諸子嚴無
偏愛無私言尋常家問皆可示人諸子未嘗敢
以已事及家計一啓齒堂諭之曰汝等皆吾子
汝叔汝姑皆吾父母之子吾子可薄吾父母之
子不可薄也平居自奉飲食衣服不求豐美位
至方岳無異寒素性不嗜飲飲亦不至醉教諸

子則先孝弟而後進取謂若能孝弟勝於擢高科否則中三元亦何用公務自損以益人於凡倫理所在極厚宗族親戚朋友故舊之情極重性不能媚悅人而能容人人雖甚無狀亦不之校至交絕未嘗談其過失於家惟留心於譜牒及祖宗墳墓二事爲詩文要有關係造次簡牘未嘗苟雖談謔亦不失其正爲人心地光明處事一以道理爲主所見一定確乎不移憂時之念無日而忘或寢食俱廢聲名在海內幾三十年後青觀時隨世稍自貶抑則爲縣官時可立

躋華要爲部屬官時可唾手京堂爲方面官可
拾芥卿佐矣然則公之志豈非所重在此而不
在彼者與孫元以後死如廉宜爲之狀乃具公
事蹟而泣以請廉與公登科後始相識面公無
敵蓋一立談間即出所爲詩相與共議之自是
遂爲知己公所著廉多得而讀之亦嘗妄加評
品公嘗見廉所爲刑科題名記謂過待漏院記
此言雖愛我而忘其醜然亦可見吾二人論文
之雅有如是哉惟是中外出處之迹有若相避
而會晤之數不如書問之頻耳嗚呼公不作矣

天下後世之求公者何所徵耶因取孫元之所授耆狀之以俟

甘處士澹樂翁墓誌銘

甘君廷望將塋其尊公持出處大凡託銘于廉廷望廉所厚善且知公悉用布于金石甘著姓豐城居邑郭代有顯者入國朝已五六科第獨公絕無宦情爲世逸人少孤師事從兄壬戌進士抑齋先生公於書尤善談史他人茫然公如目擊嘗游荆襄間久之歸謂人曰吾豈操計然之術者哉適吾情耳自是杜門却掃以清

自厲不屑屑生產惟專意諸子祭廷望尤穎出
特加督責每夜青燈燁上父子伴坐讀書至三
鼓時廷望尚弱公或欠伸思睡揩睫聞譚憲鴻
鵠其心輒取水綿以塞其耳非大醉夜歸率以
爲常廷望果領戊子鄉薦人謂教子之報如取
諸券公雖擺脫世故然名重鄉閭上逮有司當
辟爲耆宿民隱以直無幾弁髦林下歲令尹舉
行鄉飲必正位西北暇與諸高年詩酒之會陶
然之樂不在香山諸人下公天性淳厚不與世
恒匿要諸仁義與子弟語忠信不去口以壽八

卒卜塋于長豐鄉橫江考墓之次大考懷敬
仕終縣丞考叔謙早逝公諱尚熙別號澹樂翁
幾孤矢於永樂甲申十一月二十六日啓手足
于成化癸卯十一月十七日反真宅於甲辰十
月初六日配塔華于氏年逾八十歸然在堂三
男暘明昭廷望昭字一女歸甘棠涂淵孫男七
孫玄六曾孫男一系之銘曰木已爲村得逃斧
斤網羅雖設高鴻冥亡白石公薌兒翔青雲義
七一封劍江之濱維昔有云從先大夫于九京
廣東布政司右叅政丁公墓表

嘉靖丁酉公既葬之二年其子鍾請予表諸封
隨之間予素慕公之爲人而家君復與公同游
郡庠同景泰庚午鄉榜是固不容於辭也公諱
璐字元美世爲豐城沙湖人曾祖伯善祖維辰
父秉操以公貴贈主事母趙氏贈安人公登天
順丁丑進士授工部虞衡主事辛丑以差遣復
命除都水成化丁亥以展省赴部復除虞衡俱
舊銜己丑以兩考轉四川叙州知府戊戌以三
考轉至廣東左叅政云公初在虞衡出清淮揚
諸郡匠最號嚴明風采凜凜上在都水督六科廊

匠事見權璫同官咸屈膝公獨挺立衆中權璫
怒欲折辱之公向闕大呼同官挽之而出詰朝
自司空而下皆詣謝過欲強公公竟不往先是
諸璫時時於工部索匠公往來二司一切嚴拒
諸璫有憾言公謂吾當先具以聞自是搖手相
戒無敢復至索匠者公在叙州郡學頽圯建樂
堂立號房祭器之缺者足之樂器之昔無者創
置之月朔望謁文廟退與諸生論難經史士等
爲之一變郡故無志書公請周祭酒洪謨慕偕
成縮至於恤孤賑饑爲法尤善城長寧綜理周

示幾樓櫓整上隱然金湯公將不覺通判

衡奉巡撫檄調鏢手夷人于我界之間夷人聞
衡欲加害公單騎馳往衆見之皆投戈于地舉
手加額曰我松吾輩當盡室行即日隨調者三
千人百戶王甲占慶符田數百畝十餘年不輸
稅平民具奏聚亡命田舍中堅壁不出近之欲
殺人公徐以計獲之籍田而歸之民民爲之盡
像立祠公亟令毀之有張乙沒兄之官下物而
不以分兄之子者兄之子訴之官公呼乙至令
獄中盜詐之曰吾所劫某家某物具在爾所乙

拊心誓曰是吾爲官時所得也何爲誣我公令
以三之二歸元之子且諭乙曰爾得於元亦不
貲矣慎毋讐其子遂感泣爲叔姪如初叙別官
夷夏雜居之地公文教武事次第脩舉當道諸
公交章薦之公始至廣東同官重其名以潮
二郡號難治者讓公分守之公毅然而往不
月令行禁止囂俗革而邊境寧巡撫朱公
之一歲且曰二年間置潮惠于度外者
及城饒平仍檄公督視之公一用長寧之
術風日雨旸加勞瘁興阜每勸公當晚起

以進飛瘴公謂其欲就安便以給已不聽城廣
而瘴已沾軀矣成化辛丑奉表之京師便道過
家疾作遂不起寔八月二十日也其生永樂辛
丑五月二十五日春秋六十有一乙巳正月一
日卜吉于縣東會昌鄉饒坊之山戴乙履辛公
配其安人繼配黃安人俱有婦德子男三長即
銓次曰鏌曰銀女一適上郊菴妻成孫男二渾
汪女一公生而穎異精神滿腹好夜坐或起行
繞屋外命子弟隨子弟苦之次日復黎明盥櫛
以爲常其剛勁之操不易之守得於天者爲多

至於識見之卓宦業之高推其所自蓋公本詩
書之族其得于家庭遠有端緒人可無賢父兄
之助哉於戲世之居位者阿附取容習爲軟美
平居不敢出一壯語論天下事遇事輒屈法以
奉權貴置民隱于不問營營於其私類皆目爲
謹厚殊不知置之一郡則壞一郡置之朝廷則
壞朝廷其視公何如哉公雖不作譚公之事猶
有生氣百世之下其尚有考於斯父

熊處士質菴墓誌銘

成化丁未廉以在告南還適友人熊一元奔父

實甚喪胥會于金陵困頓哀感中首以墓銘銘
爲未幾其母丁氏亦故越明年改元弘治將合
葬焉先事一元謂廉予得地于邑東八十里文
岡橋之原山水盤護若有意定作申向十一月
日襄大事其無忘嘗言于金陵者其并先母氏
牽聯書之又謂子知予先君乎坦直樂易悃悃
無華家具雖薄不見有不足縣門雖通未嘗輕
一至朋從醺熟皆可招而有司鄉飲之請輒不
赴卹貧扶弱每致其意而編民舉耆老則洗耳
獻問處宗族雍睦無間待鄉曲無貴賤賢不肖

歎如也嘗語予兄弟曰吾無以遺若等惟於陰
德無虧其迓承之不幸卒于成化丙午不及見
予之有官也先母性極慈撫予兄弟真若過于
他人母子予嘗會試南宮拜離膝下必送諸大
門瞻望失踪灑淚而入今者覆載翻覆凶禍存
至欲報之德昊天罔極願予其發揚之既而復
畀以狀其叙行實與所云同叙名號子孫世系
實蓋諱恕字南海別號質菴豫章豐城人世居
負郭之庄前祖某父某質菴生永樂丁酉春秋
七十配同邑丁氏其生卒皆後質菴一歲四子

題瓊琳瑞魁即一元松江府通判琳紫牘河藩
孫幾人曾孫幾人昔司馬涑水有云墓誌但可
直述不在多言廉不敢諛墓以犯不韙謹次第
一元之言與狀直書之而爲之銘曰超然之覽
有緩効淳古之心無俗情厭儷比德而亦同塋
歷千萬禩其永寧

袁處士妻甘氏墓誌銘

袁君習序之配甘孺人卒于弘治甲寅七月之
五日越明年乙卯正月日塋于邑正信鄉六十
一都之榆樹嶺方營壙君命虛右以爲其壽藏

禮也袁氏聚族袁坊為吾豐城大家至君之父
義官文淵公尤以鉅富稱君在兄弟中獨無私
財歲時祀先之嚴潔款賓之豐盛以至暮年鼎
立甲第分居諸子孺人皆有相助之力焉君於
諸子尤勤勗之學而孺人於幼且能豫誨之嘗
曰教子嬰孩人咸服其識焉孺人諱瑞應姓甘
氏邑郭望族祖孟進封禮部精膳主事父英由
進士累官福建漳州知府母蔣氏封安人孺人
年甫十一喪蔣安人十六歸于君始文淵公以
主于晚必欲婚君以付家政復慮孺人年未及

且宦家子或不耐繁劇而孺人爲之具有
文淵公喜謂所親曰吾娶婦得人吾老無患
孺人性至孝其歸也不及事其姑常以爲恨詎
及輒泣下舅歿至免喪猶哀慕如初方君之諸
弟在童穉孺人待之務以禮處妯娌能敬而和
御婢使有恩意可謂賢也已孺人生於宣德庚
戌閏十二月二十日享年六十有五男子六甫
恭養葺薪芝菴郡庠生暨贊薪皆屢試場屋決
科可立待此君與孺人善教之驗也女子二俱
殤孫男六女九曾孫女一將塋薪持君所爲狀

介孺人母兄之子泉來徵銘乃按狀序而銘之
銘曰陰性吝嗇婦孰忘利母恩敗子害亦匪
孺人豈然德與夫契克儉于家惟隆賓祭夫子
寔為有此伉儷婦道母儀風教攸繫鑲之貞珉
陵谷之計

鄉貢進士杜君墓誌銘

杜君玉充以鄉貢進士試罷禮闈南還道卒于
金陵之旅次乃弘治癸丑後五月二十有六日
也時與玉充同試共載而歸者則有徐君文粹
羅君廷爵徐死于前羅死于後三君之得疾同

又同醫家謂疫厲傳染信然既而凶
門三人者之家而王亮之子彬先來扶柩謀正
首丘且踵門謝予謂於乃父有我殯之義語未
畢涕淚俱下翌日復過予欲有所言而未發詰
之則曰彬瀕行伯父玉璧謂吾父蚤歲勤苦爲
學使得致用必能自力於功名以少驟見於世
今不幸齎志以沒汝當亟圖其傳至金陵其告
之給事楊君此意以銘相屬此伯父之命也寔
彬兄弟之願也敢以累先生予聞其言爲之歎
歎者久之因念吾家與杜氏締交父子兄弟已

非一日武進長教叔宣福州別駕叔宰阿迷州
守叔宿國博士玉琰俱與家君往還而厚且昵
者州守公與聯景泰庚午鄉書者國博公至玉
充成化丁酉予復與之聯薦追惟疇昔則所以
慰吾玉充者固有不可得而辭者矣杜為豐城
著姓聚族數千指世居負郭之白鶴村玉充諱
渠其字玉充祖宗周贈泗州同知祖母前後俱
黃氏並贈孺人父即州守公母郭氏封孺人生
玉充最長踰冠州守公視其舉業已成遣游縣
校未幾果以詩經家學捷塲屋會試乙榜

蓋已獲矣而成均之卒業天曾之注選亦領
年衆方謂其終登甲科不然尋有民社之寄將
覩其大乃設施弘乃樹立以儷美前人孰謂於
群望皆不副耶王克享年四十有七娶鄒氏通
山貳教珍之女子男四長浩次即彬次領次四
金早殤女三孫男二茲樞之歸也彬謂將奉塋
于某鄉某里之原禮也王克溫厚和易與物無
競交不汎而能久朋儕或故諛試以令其志終
怡然不變往來京師赴試輒閉戶觀書倦即就
枕勸之出遊則不欲於經學肯綮甚熟誦習文

字益多下筆涌上無難者其不克收之一第與
夫卒不見於用而夭以死者豈非謂之命耶銘
曰在昔旅殯塋諸瀛溥隨時處中亦不為薄力
可以返何為獨拘靈輶載南游江亂湖吾鑿鶴
村盛埒杜固國朝擢桂已七其數嗟哉玉充經
毛繁韓而世其科不世其官誰擊珊瑚應手而
碎千里車輪大行中閔凡在士類孰不興悲何
以昭之刻此銘辭

外舅陳公墓誌銘

公姓陳諱繁字鳳律豐城故縣上坊里人其

東漢時郡太守蕃子洪留居邑之興村至伯之
仕梁封豐城公至熾仕南唐為洪都節度判官
至子餘復徙今里子餘至公凡十世既徙益大
以衍屢有科宦而上坊之陳蔚為鉅族矣曰天
立曰叔武曰用敷連不仕則公之曾大考大考
考也用敷娶邑郭熊氏翰林吉士惟清之女兄
男一人即公女二人長適厚郭胡鑑遠次適查
村范彥聲後為廣西按察使公配黃氏株橋宗
載尚書之從孫女生男四材棟橙檄一女歸于
廉孫男一孫女二公卒弘治辛亥二月二日享

年六十是年十二月十八日祔葬其鄉蕩頭之
先塋公十歲而孤且多病賴母氏撫育以成及
長事母最孝母以大耄終居喪卒晝夜哭平生
臨財毅然不苟取暮年為鄉耆齊民投訟牒日
數紙悉與剖析無所私董隄後躬視畚鍤勤惰
冒寒沍得疾嬰纏數月遂以不起卒之晨洗沐
具衣冠謁家廟召族之長幼與語移時曰吾事
畢矣及晡而逝公自少穎異讀書五七遍輒能
記聽人譚科舉必躍然思奮不幸喪考大早家
務奪志公存心坦直無蔽蓋性執僻稍甚小忤

之卒不可留晚節范憲使以書招至廣興處連
月比歸脫洒融釋殊不類舊人皆謂憲使有黃
牛旬日之益謂公有遠瑗進德老而不倦之實
使其漸履高壽進上不已詎可量耶公塋之明
年壬子其從子春具事狀寓南京謁銘且曰公
臨終以此屬廉竊惟晦翁朱先生嘗表婦翁劉
致中之墓先生一代大儒言足垂訓于後顧廉
之顓蒙曷足以與此因循愆期重違公之治命
又明年癸丑始克銘之銘曰世老于學誦說文
筆公蚤廢學克治愈力孰學孰否必有能識我

銘乎公因以自慄

守愚羅公墓誌銘

羅君表墓其考守愚公以銘屬之廉君未其事
狀獨持祭酒胡願菴學士陳芳洲所爲其先世
墓文視廉且謂曰表與諸父行交于君父子間
若先子固君所知者先子以上其觀諸胡陳二
公所著述可也其爲我圖之按願菴銘懷憲甫
叙其考景福祖宏道曾祖原可世居豐城荷塘
原可而下俱有隱德謂懷憲甫垂歲受學揭文
妻之孫和仲涉獵經史慷慨負氣大抵其

之亢宗者芳洲銘懷憲甫之弟懷玉甫其云云
殆無忝於其兄是時羅氏次第入仕則有監察
御史鵠刑部主事英昌化知縣紳公則懷憲甫
之弟三子諱綸字慶言別號守愚於知縣為異
母弟於主事為從弟於御史為三從弟前母袁
氏母鄒氏此公之世系見于順菴芳洲之文者
如此君天性豁達略去邊幅不喜事生產視世
之營仁于利者若不解其何為惟篤於教子若
孫故次子襟果中成化乙酉鄉試惜乎未用而
卒今襟之子信亦遺補郡庠生治舉子業有成

此公之爲人而廉之所知者如此公以春秋高
應新例冠帶之榮蓋生永樂甲午十一月二十
八卒弘治癸丑十一月十七日娶張氏繼胡氏
表襟衽緒襁褓其子也熊子浩周寫其壻也孫
男十八人女幾人公諸子諏以弘治丙辰正月
五日奉匱葬于折桂鄉塹頭之原從吉兆也銘
曰作德作偽兮孰勞孰逸經訓蠶金兮孰得孰
失虛舟飄瓦兮公無所必流俗瑣七兮未見公
匹風順氣厚兮塹頭卜吉封之若堂兮樹之鬱
匕我銘其藏兮過者必式

知縣胡君墓誌銘

君諱賢字萬爵姓胡氏豐城期塘里人曾祖
濟祖文穆號靜翁父公厚號娛琴母龔氏吳氏
君自幼警敏外大父主事龔公志泰祖姑之夫
主事張公啓明皆嘗試其所業指以謂娛琴曰
胡氏之先種德久矣或者鍾於此乎於是娛琴
教以詩書禮三經靜翁復以田百畝資其從師
問學之費逮君娶于涂以姻故受業憲副涂公
伯輔乃專意一經研精于書既而有司舉為邑
庠生自是駸駸有場屋譽每歲大比多士集省

下率來訪君講題意至有得其所諒

者成化丁酉領江西鄉試會試輒不利

監歷事南臺弘治乙卯冬授湖廣藍山知縣退
家上塚比就道得疾而返亡越月而終於家之
正寢遺言戒諸子毋裂帛母作佛事君事親孝
親疾嘗祈以身代處弟康爵篤友愛從兄脩當
貢禮部猶豫不欲往君極力從吏之卒授司訓
滿九載而歸君平生勤儉每旦必早起有所往
告于祠堂處宗族尤厚貧不克為禮者歲時
會特加數遇路等

字報拾以藏去不忍

昔人以律為八分書大儒深取其言在學者
上不可視為外事况漸有民社之寄者乎以故
董中老法家與之論律多不能難及有藍山之
命於凡格言名訓有裨官政者類為一帙期以
舉而行之俱有志未就惜哉君生于正統辛酉
十月十九日卒之歲則釋褐之明年九月十七
日得年五十又六配涂氏男四廷憲廷輔廷賜
邑庠生薦女幾人孫男幾人女八諸子將以
弘治戊午冬月 日奉隱菴于某鄉某里

之原先事廷賜以狀來請銘永以書來速銘
惟疇昔之歲予與君同聽鹿鳴 茲前此復有
薄采其芹之好有不可得而辭者乃銘曰世有
少年得官之早抑或遲上 百未論討以是牧民
吾豈敢保有如君者仕下將老蒞官有編此豈
草草胡嗇厥施聞諸穹昊

楊文恪公文集卷五十三

碑誌

封太宜人劉氏墓誌銘

南京光祿少卿李若宗岳之母太宜人壽終于
家其父封少卿一齋公遣人報宗岳月餘始至
宗岳乃爲位哭踊越數日以所爲狀徵廉爲銘
且曰先母蚤嬪家君善事舅姑吾祖諱某府君
元配劉生先伯父洎家君二人劉早卒先母不
及事之繼祖母王待之少恩奉事逾謹屢遭譴
責終無怨言然亦卒自感悟吾自八歲就外傳

十五選入邑庠三十始舉于鄉二十餘年間數
罹饑饉家無餘積凡所以奉師友延賓客若先
母極力營致不以煩家君先母處事類果決如
丈夫往歲吾鄉試輒不利先母無愠色每曰吾
先有慶兆曰知汝之不遂矣及會試復輒不利
則曰此固有命但當再讀書耳如是者不一言
之其所以慰勉不肖者雖知義命之君子其所
論不是過也子其為我銘之復曰吾得銘即行
矣歲癸丑冬廉奔先宜入憂風雪彌月阻于道
途宗岳遣人眎我為謀所以前進者廉也眉顰

忘之以稽吾宗岳之行耶乃按狀序而錄之太
宜人姓劉氏其歸李氏二氏太原樂平之令族
也太宜人父某母郭氏初宗岳登成化丁未進
士拜南京刑科給事中一齋受封如子官太宜
人封太孺人及宗岳轉南京光祿少卿未再期
朝廷加恩兩京臣僚一齋復進封如子官太宜
人復進今號子男二長岱即宗岳娶趙氏累封
至宜人次恒娶韓氏女二人壻劉廷達劉憲
男三人長天衢兩辰進士工部營繕主事次天
定天街女四人二適士人二尚在室太宜人生

宋樂庚子十一月之二十五日卒于弘治庚申五月之五日享年八十有一將以卒之年

月 日塋于邑南獅子山祖墓之側嗚呼太宜人勤儉仁慈出于天性撫諸姪有恩侍宗黨甚厚初歸于李事機杼以自給操井臼以爲養其後雖累受 誥勅之封子孫列官京朝宗岳復移俸于家隆以鼎金其所以自處自奉無異未富貴時鄉人多稱之信可謂賢也已銘曰於維宜人教子食貧士行之母剪髮待賓曰儉與勤至豐不易文伯之家其主猶績篤生令子爲

國諱臣秩轉淵亞誓在襁緝亦有賢孫早居朝
著清才好學千里之馭去世之寵其來源上何
以占之視其後昆

封安人歐陽氏墓誌銘

安人歐陽氏工部都水郎中安成劉君元充之
配弘治庚申三月十六日以疾卒于京師元充
既歸其隴以再明年壬戌某月某日葬于某鄉
某里之原屬予以銘安人諱秀姓歐陽氏安成
令萬之裔世居邑黃石里父邦漢母朱氏年十
六適元充適二十三年而卒距其生天順辛巳

九月十二日得年三十有九元充登成化丁未
進士拜官南京工部屯田主事滿三載安人乃
受封繼陞工部營繕員外郎安人尋下世安人
性敏而慧內政皆倚以辦元充恒德之謂未第
時得不以治生廢其學居官時得不以家事妨
乎公其言如此則賢且能可知矣安人生二男
長桂次棖一女適廬陵周郎中甫敬之子祐安
人臨終囑桂以讀書修行顧乳母劓劓試于旁痛
其呱呱者久之其可哀也已予嘗閱文忠公所
爲其家之譜由萬以上至琮兄八世由萬以下

至公凡九世逮今又不知其若干世其族可謂
舊矣族舊則其家教非一日而亥之所以事人
者必盡婦道是則安人之所以嬪于劉克相君
子者固有自哉元充今奉勅提督漕河一帶
老成剛敏依憑城社者過輒憚之於予為同年
同鄉素相友善其諉也曷可以辭乃銘曰維歐
陽氏最故於言匪宋寔唐著者六一安人其裔
冬官之匹蚤荷國恩有此封秩註籍宮門朝
以翟第夫階漸隆理有可必胡蓋未半竟尔淹
忽冬官有言失此良弼嘉木易伐古今一律千

載耕犁勿壞此室

外祖母劉孺人徐氏墓誌銘

予外祖母徐孺人諱善父思聰母周氏豐城水南世家甫_解同鄉曲鎮予外祖劉公諱_案尚寧號毅菴曲鎮徙自邑學前宦學相繼有入至毅菴以上數世復雄於貲毅菴嘗與考先後輸財大同宣府以給邊餉朝廷以鹽課償其父子累貲至百萬毅菴之大同宣府受所賜鹽於淮及游廣海家政悉付孺人孺處于富盛亦以勤儉自持平生紡績積銀至數百兩毅菴納

副室胡氏待之如嫌如婢僕滿前終日不聞其
有呵叱聲終歲未嘗鞭笞一人其紡績至暮年
不輟子婦酷勸止之或暫去手已而復然後勸
止之乃笑曰吾自樂此汝輩何謂其勞用是諸
子婦不敢固請毅菴卒成化辛卯孺人稱未亡
人者二十年時諸子各鼎列甲第往來奉居性
喜靜所居處輒不欲移在此者惟恐其去在彼
者輒慮不得其一本年九月十一日卒可謂有
全福哉男行讀書窮理慕古醇儒祖邑學生有
塲屋譽女長為廉母次歸羅湖管公哲皆孺人

出男威肅皆胡出孫男八人社和穆裸秩某某
其曾孫男七入其生以洪武己亥十月二十三
日卒以弘治己酉月日將以卒之明年
庚戌十二月奉塋于邑東折桂鄉毅菴墓之左
山相去百武夫以孺人之慈仁淑懿禮宜有銘
於是僭爲誄撫系以銘焉銘曰嗚呼茲維饒方
之山勢虎踞兮龍盤曰干莫之合而邇兮後千
禩其永安

義官孫公壽藏銘

義官孫官元豫乃弘治辛酉季冬之月營壽藏

子其邑東溪之原公登而望之曰此吾墓也
真吾夫婦異時之永宅哉越明年其子太學生
徽以公命謁予爲銘夫預作塚壙預爲墓誌昔
之達人曠士多爲之如司空圖杜牧之輩是已
其後如二程之父大中亦自撰墓誌如晦菴朱
子亦聽蔡季通卜塋地于九峯之下是大賢君
子又嘗爲之矣然則公於壽藏於銘率先辦焉
奚爲而不可哉公五名字元豫樂義其號顓之
雋都人族舊而鉅鄉人稱半縣孫家曾祖廷柏
以監名授監學訓科祖泰隱居不仕父寧補邑

庠生未第而卒公孝友質樸事母謹晨昏禮處
弟篤友愛所得祖業多舉以讓之閭里有稱貸
弗克償者輒還其券遇死無棺者給之有司修
學築城恒捐貲爲倡爲前後縣令所禮貌每鄉
飲必請以爲賓成化庚戌輸粟濟饑授宣義郎
散官配黎氏勤儉慈惠其恤匱之心與公同德
鄰有鬻田以賁官錢者田硯薄不售踵門告急
即斥簪珥以濟之或謂是田無款答曰固知之
第憐其追徵之苦耳又有貧媪不能娶婦者亟
助之穀今夫婦年皆八十五六平生相敬如賓

近歲諸子別構一堂以娛奉之縣令黃君題曰
椿萱齊壽大司空董公爲之記公子男三長明
次慈俱以翰林授散官次徵郎太學生女四李
耀太學生易祥劉綬王敷其壻也孫男八琇珂
琬珪玖璆珠璞珂璞俱邑庠生曾孫男六銘曰
維公之年齡兮並賢偶而彌脩其善不一兮其
大者均空乏之是周其所以友方平爾侶麻姑
兮合於仁壽焉以相求有坎之深兮有堂之
幽上後千百年兮于此偕遊還造化之舊物兮
乘氣機以周流

明威將軍指揮僉事孫公墓誌銘

公諱傑字世威姓孫氏高祖諱韜國初隸徐
湯諸大將麾下當擊僞漢王保保皆在行陳論
功授百戶曾祖諱興由襲百戶陞千戶祖諱欽
由襲千戶陞指揮僉事永樂八年隨駕征北
虜至幹難河過黑松林而還考諱澄洎公俱襲
指揮僉事公嘗提調董家口等關凡十四處經
畫整上隱然長城成化壬辰上命工部侍郎程
公都察院副都御史張公會同總鎮官閱視邊
圉入公所分境按行營堡令辭賢之且曰使人

人如公則邊患不足慮矣遂力薦公總督修
諸關蓋自董家口以抵南海口並屬之公公既
起任益輸忠効勞補山浚濠增險數倍再踰年
而厥功告成遂受旌獎弘治庚戌得請致仕壬
戌四月以壽終享年七十有六娶吳氏繼陸氏
子男七人煜炯燁吳出燦陸出燬燿燄庶出煜
襲指揮僉事炯南京大理寺右評事署右寺副
文四人孫男八人孫女四人公忠直仁恕家庭
孝友雅事詩書自高祖以下爲百戶爲千戶爲
指揮皆興州右屯衛七舊在古北口大寧後移

永平府遷安縣而孫氏之先則鎮江金壇人云
寺副聞訃解官將歸塋公于
縣重家峪山
之陽乃具事狀來謁予銘謹按狀序而銘之銘
曰維董家口國之後門與胡相去僅隔一藩豈
其備邊惟塹與墩城彼朔方古亦有言桓桓孫
公深池高垣胡馬不來墳亦永存天地界限外
夷中原家國深謀望其子孫勿替引之庶慰公
魂

延平府知府華亭孫公墓誌銘

延平府知府孫公弘治庚午酉後七月十六日卒

官前此公以天旱禱雨却盖走雨中衣沾濕
適体得疾遂以不起匱還之明年塋季子承恩
持其外舅吳同知廷章所爲狀并以伯兄承惠
書曰來謁銘旣而承惠屬其外舅顧司務惟庸
復爲之速嗚呼予何足以銘公念公官南京與
予並舍居錦衣衛巷朝夕得相親益時二子方
就外傳今皆學有知識欲圖其親於不朽旣以
慙公且以爲公慰銘固不可得而辭也公諱衍
字世延一字延之其先汴之杞縣人高祖伯璣
元末避兵來吳遂家華亭生子曰仲弓有隱操

曰清叔

國初爲御史慷慨負氣節仲恭生士

達爲鄉善士士達生諱獻字汝瓚號抑齋以舉

人分教廣信人才多所造就贈南京兵部職方

員外郎則公考也母贈太宜人任氏叅政勉宗

女自幼穎異弱冠領應天鄉薦久之丁太宜人

憂服除久之登成化戊戌進士第筮仕涿州知

州閱數月丁卹菴憂癸卯服除補沔陽州先後

爲巡按御史洎布按二司交章旌異弘治改元

戊申陞南京兵部職方員外郎辛亥陞車駕郎

中丙辰陞正平知府涿州畿輔近地貴幸之家

庄田羅布日事吞併公據理處分暴橫知戢民
始得安其業沔陽漁稻之鄉商賈軍衛強貪巧
取公明左券定市價民始得享其利他而勸農
興學扶弱抑強尤加之意在車駕中官假進貢
索馬快船無虛日公每裁抑之因而搆成大獄
上命三法司案治於公卒無所及奉部檄稽攷
馬政釐革宿弊最多在延平屬邑有盜殺人劫
財匿山谷間以良民余甲抵罪公訊知其寃遂
間行密訪果得真盜出余甲於獄監生羅乙家
巨富武斷鄉曲簪人至死公收捕之異時解京

料價多爲勢家包攬負累重徵公令編戶自輸
歲辦既完民亦無擾歲徭役皆手筆親定推見
纖悉人服其均俗多爭競公曉譬切要剖決詳
明訟漸衰息民間婚嫁往往以論財後時尤喜
焚屍皆嚴加禁止復設叢塚以處貧乏郡無志
書公謂延平人物如楊時羅從彥李侗諸儒皆
伊洛的傳志可缺乎乃禮聘黃僉事仲昭修之
而於諸儒事蹟采取獨備卒年五十有九公官
凡四轉嘗以進表復命賜燕錫弊者二膺五
品誥積階至中憲大夫公篤孝友喪親毀瘠甚

其足屢迎養至官下平生讀書耻爲無聊
等每謂囚徒瘦死多以穢氣鬱蒸所致必
除狴狴以致其潔宋第時見奸黠吏胥
錢心甚惡之故歸政尤痛懲此嘗大書
勤以補拙儉以養廉慎以補過惠以
勵在外任務以循吏自期在汴陽歲久
人所至以公在謂公必能庇已至必見
公見輒依止不忍舍去卒于延平延平
爲詩文明潔清麗見於其食事仲昭所
公與今儲少卿靜夫過予仲相與歎曰
豐公才

思後逸自是見公所作皆補是所著有雪岑亭
藏于家雪岑蓋別號云公配姚氏贈其父繼王
氏封宜人男二即承惠承恩治警業俱已成施
日當更有立於世女一適唐瀚墓在邑龍蟠塘
之先塋合于姚宜人之兆銘曰世人操權多事
結納苟可媚人何顧於法確乎有執見公獨賢
群憮燭虐王雪故然亦有守臣視民甚憮都有
凶荒匿不以達公之憂民實切於中歛歲可回
矣恤其窮遭既弗及匪躬則殞胡至於斯一卷
不忍公之衆善未易具陳撮其大者以詔後人

處士李君墓誌銘

君諱和字貴中姓李氏別號節齋世爲上高歷山人其先有淵泉誠泉俱仕元淵泉任教諭誠泉登延祐乙卯張起巖榜進士官至待制教諭生四子曰子和生伯亨伯亨生仲載仲昂國朝永樂間以子仲昂貴封都給事中仲載生叔治則君之考也母蕭氏君性資穎敏早喪考侍叔祖仲昂宦將京師學詩學禮復學易於易學尤專自是教訓鄉里者二十餘年同父兄弟五人春景明萬皆兢爽不群友愛甚篤族有強狠

者輒加陵轡君與兄弟約務容之弗較母年八十餘奉事唯謹父病視醫藥無倦君配新喻鍾氏繼清江黎氏子男三長寵鍾出次某次憲黎出女二適夏誠晏儀仲孫男八女二曾孫男一君以不用於世平生屬望於寵亡以郡庠生屢失解君無他言惟舉伊川先生責天理修人事之說以勉之成化甲辰正月十九日以疾卒享年六十有四塋其里新橋龍骨堆祖塋之西塋若干年爲弘治壬戌寵以太學生註選天曹持其邑人執官員外郎簡君德馨狀來謁銘旣按

狀序之且銘焉銘詩四章七四句於維歷山
源兮宜宣維分宜西平之文歷山之下文物相
承故族興亡無忝西平至君三世隱淪一轍復
有令子宦學未歇君業惟士筆以代耕有過此
墳思鄉先生

朱節婦墓誌銘

朱母胡孀人卒越明年辛酉冬且塋矣其孫鄉
貢進士槩欲追爲之銘自持所爲狀來徵于予
且曰槩生甫歲餘失恃賴祖母撫育教誨以有
今日祖母教槩飲食起居率有法至於涵涕亦

令有常處比長讀書至夜分必命小蒼頭送茶
果不倦臨終猶曰槩謂惜不見爾成名耳復曰
吾祖母節婦也吾祖游湖廣卒焉時吾祖母年
二十有九計聞痛哭幾絕柩還塋祭以禮卽是
孀守以終其身先是吾祖母之弟太尹公賢欲
聞其事于朝吾祖母亟止之曰世間何者非
錢無夫婦人有何厚積而可以就此或勸以鬻
產吾祖母曰產吾鬻之以教吾子孫不能爲此
也竟弗聽吾祖母之貞節如此弗得表見於世
幸哀而銘之手辭不獲按狀孺人姓胡氏

祐豐城期塘里人鄉長者公厚之女母龔氏
事志恭之女也配邑士朱君富朱氏杭橋里人
處上正當之孫用銘之子也孺人沈靜聰慧少
讀小學孝經能書計父母鍾愛之既笄擇壻得
朱君以贅于家未一紀而朱君卒一子尚幼家
政自綜理錢穀布帛出納籍記會算無遺尤服
勤女紅織紵之事親戚驟至雖蔬食亦務精潔
事父母膳羞必親調以進有疾不離寢處以奉
湯藥恒以不及晨晨昏之禮于舅姑爲恨居常
於姻族家非喪葬不赴寒暑惟服木綿苧葛之

衣皆手所自爲者卒年六十有七子男某女之
壻平湖胡彥昇湖茫李儒孫男槩迎槩即鄉進
士壻之所洪石祖塋之側銘曰在昔名賢公私
有謚私苟無阿視公何異貞曜文中朋友所制
女婦非男亦可起義百年嫠居共姜之志旌門
復家力不能致湮沒無聞奚以勵世節婦易名
丘原之貴

都察院右副都御史畏齋周先生墓表

畏齋周先生負天下重望弘治戊午朝 覲言
略瞻先生凡八人越壬戌朝 覲言路復前

先生以下凡六人蓋朝廷雖屢陟先生外藩而
輿論猶以未入爲內公卿故數以爲言耳未幾
先生以疾上疏乞骸骨 詔陞右副都御史致
仕且給傳以歸 綸命復有怙退自陳屢經薦
舉之褒蓋 異寵云先生諱孟中字時可其宗
居吉水之泥田兩徙而居廬陵之烟源曾祖仲
良祖子遜連世高蹈父諱詢沂水教諭以先生
考最贈南京吏部文選主事母彭氏封太安人
先生自少志趣不群文選公分教嶧縣有上千
齋銳以教授歸老于家學術爲士人所宗先生

往候之聽其議論遂厭科舉之業慨然有志於
正學時年方十六既而以文選公命入補郡學
弟子員自是攻苦食淡鑽研載籍於義理經旨
多所自得成化乙酉預計偕明年春試弗利江
西提學僉事李君起廢白鹿書院聘先生爲之
師先生取程端蒙鉅銖所爲學則并朱子洞學
舊規嚴率諸生懇上言爲學之意皆翕然知所
向方負笈遠至者甚衆尋與南康守不合遂罷
歸己丑登進士第授南京吏部文選主事奉太
安人以居公事外日以養親教子爲樂暇則授

徒講學家宰崔公雅敬信先生凡考覈之際多
所咨決戊戌轉僉事提學福建至則端士皆培
上氣一惟以教於白鹿者施之品藻進退付之
至公不為權勢所撓於宋諸儒祠墓徧加脩葺
庚子太安人終于官下扶柩歸塋甲辰以服闋
改貴州僉事會夷寇出沒鎮巡議加殲滅先生推
誠撫諭率多懷服歸欵丁未陞副使提學廣西
嶺表終掖稀少先生作興有道士始知學然一
以教於福建者施之所歷郡縣凡吏治之嚴否
閭閻之利病夷情之向背山川之險易兵糧之

虛實靡不究知有問即答聞者驚服弘治乙卯
轉按察使憲度嚴肅風力愈振戊午轉浙江右
布政使未幾轉廣東左布政使先是海舶中官
歲例採珠造櫃并僉大戶解納侵剋不貲至是
商賈之利復籠取殆盡先生悉加裁革地方凋
瘵政尚安靜民間婚嫁後期喪塋不舉皆有禁
令俗爲之變先生之學本於主敬窮理以朱子
晚年謂敬字之義惟畏字近之故號畏齋以天
性過剛恐褊急害道取西門豹佩韋之意別號
韋菴性至孝太安人晚病風痺寢輿湯藥躬視

弗懈每痛文選公早逝移其所以事文選公者
事其伯父復璉翁七年大耋以上奉之無所不
至俸祿所入舉以建先祠置祭田周宗戚平生
砥礪名節蚤年讀書處近郡之忠節祠每朔望
必拜謁祠下祠之所祀即所謂歐陽文忠文信
國諸公者也又嘗白于巡按御史熊君爲文信
國建祠富田擇文氏之後教育庠序經紀甚備
爲詩文有關涉發明要不徒作有畏齋橐藏于
家一時如朱豐羅公倫南昌張公元禎新會陳
公獻章莆田周公瑛餘干胡公居仁皆所交游

切劇道義於流俗則落亡焉先生致仕抵家越四月而疾作竟以不起則壬戌之八月八日也距其生正統丁巳二月五日享年六十有六配劉氏封安人先四年卒子男三長統字伯承以進士歷任南京刑部員外郎學行得之家傳次緒少聰敏有聞亦先卒俱劉安人出次綸尚幼庶出女一適士人孫男四仕俸信侃女四伯承將以年月日奉柩于某鄉啓劉安人之兆而合藏焉乃以事狀泣授廉曰先君墓上之石請以相屬廉以膚淺不足以窺先生固辭不獲疇昔

之歲與伯承臨別獲拜先生于南京望之巖上
即之溫上後雖間得一見卒不能久於親炙向
往之心徒切拳上嗚呼先生之學根於身心見
於教人推於政事如此可謂通儒者矣士習卑
陋惟知以舉業詞章爲事稍涉程朱莫不非笑
學既如此則於居官臨政亦從可知矣是豈有
無體之用哉用是謹撫先生平生大致書之庶
後有知其學與政者

曾母吳氏墓誌銘

南京國子司業羅君允升謂廉曰予外母曾孺

人今年壬戌秋七月十日卒于家時孺人長子
明揚從事公府女爲予妻者咸在京師自春疾
作彌留度不起時時泣下念骨肉之居外者不
得一訣別予痛之予自翰林改官來南明揚得
歸省偕行方圖迎致孺人以慰其兒女之思詎
意至此茲明揚以墓銘爲託而其弟郡庠生明
瑞書來復以爲言此予之責也其爲我銘之乃
出其所爲事狀見畀廉以辭拙不敢當且謂允
升嘗爲太史氏褒貶筆削無所遜避豈史家於
親嫌不銘耶君謂第爲之予意有所屬耳不得

已爲之銘按狀孺人諱鳳珠姓吳氏世居泰和
之西平里祖某父仲溫爲鄉傑士母蕭氏內教
嚴明歸上模里魯氏二氏皆邑鉅族孺人自幼
秀慧識義理仲溫爲擇壻父之年及笄矣一日
解后曾翁士舉目其子恭甫奇之遂許女焉孺
人入門厥明見舅姑舉止安詳既饋烹飪調師
皆適宜翁喜謂得婦不及先姑及其繼事之尤
得其驩翁父子樂交游座客嘗滿酒茗殷羞之
設當倉卒間類若宿具諸婦如相視竊嘆心服
其能而自以爲不及也翁沒姑復沒相恭甫先

後治喪塋皆合禮稱情恭甫爲人閨爽最賢孺人細大事悉與商略孺人待宗族姻戚往反周至人人德之遇戚獲有恩戚禮奉命唯謹治家勤甚既綜理一切雖雞豚之飼無不經閱復紡績不去手事井井微而糠粃亦適其用故恭甫晚年家愈饒其於賓祭務豐於周急則一無所吝焉始孺人所生惟羅氏女餘皆不育力勸恭甫念似續之重相與納劉氏於側室視之一體或數密諷無爲塔寵卒謝不聽明年孺人誕而得男後五年劉亦誕而得男即所謂明揚明瑞

者也孺人撫子女惟均教之有法而二子亦惟
依戀孺人及長恭甫爲廷明師于家孺人日事
廷款惟恐師之不盡其心也卒年六十將屬續
清明如平時病中殯殮具皆自區畫不諱死類
有涵養達生知命者其於文婦亦可謂異也已
其生以正統癸亥九月十一日其塋以卒之明
年正月日其宅兆則鄉之嶺背祖壠之右云銘
曰孺人於曾寔爲有功欲豐其家欲蕃其宗葛
覃之什小星之風神識不亂以至考終明理之
驗婦豈盡同勒此銘辭以昭無窮

先嫂雷孺人墳記

孺人諱某姓雷氏世爲豐城鳳昌塘人曾大父
榮志大父正常俱隱不仕父啓爲邑庠生屢舉
弗第復隱不仕母熊氏教諭善瞻之女孺人幼
聰慧善文紅讀孝經小學諸書皆能成誦通其
大義九歲失恃事繼母羅氏如所生年二十歸
吾伯兄迪功卽寬齋方大重闡二世奉事惟謹
當吾父守永家政悉吾兄任之迨謝事吾兄還
政然家大食指益衆時吾弟妹有未婚嫁未生
者在長子家課勞勩寔多而孺人殊不憚煩每

竭力以助勤儉孝慈根于天性不事矯飾家居
惟布裙袂紡績至暮年不休吾先祖母病風末
左右扶掖能適其意吾先母太孺人歿久遇忌
日必哭盡哀處諸介婦和而能容待下有恩小
僮有亡去復歸者曰我不忍背孺人下人感之
多此類生于正統甲子三月十五日卒于弘治
壬戌正月二十七日孺人素少疾至是得寒疾
家人謂易愈耳越三日醫至增劇易斃亦不効
僅八日而卒年五十有九子男二長敷以舉人
授巢縣教諭娶南湖李氏繼田梁熊氏次孜邑

庫生娶隴城林氏女亦二一適湖茫李森一詩
楊夏坊蔣娘孫男女各一茲將以是年十月
初日奉柩塋于邑東祿城里之原戴辛履
乙吾先祖母皆塋是里相去一望地是地乃
吾兄自相與堪輿家說合痛惟吾先母太宜人
之塋尚未愜吾輩人子之心不知何日而遂改
卜焉太宜人於諸婦中最賢孺人使得相近亦
足慰其慈魂云

李君好古塋誌銘

李君好古將塋其子德持羅推官翰所爲狀來

南京謁銘且泣告曰此先人治命也予受而誥
之按狀李氏世爲豐城人其先自羅田徙梅岡
其間以宦學而著者羅田以義山諸公梅岡以
教授諸公也君教授公之第四子母楊氏生君
于夔州之官舍性餘歲而失怙比長自知學問
嘗補邑庠弟子員以不樂爲科舉學遂棄去於
是窮探力索專意於古文詞其詩尤爲人所稱
賞一時名公數欲見之君耻於自售竟不往平
生無求於人揭羊于山巔水涯之間以畢其志
其所著述有類鶩景和唐音及注許郢州詩皆

藏于家予嘗訪君梅岡之上見其貯先教授所
遺書甚富蚤暮披閱不停手故君雖不出于其
鄉而其所成就信若友天下之士者如此君卒
弘治己未正月

日享年六十有三配萬氏

熙縣尹某之曾孫也有相道先卒繼陳氏子男
四德中信誠德推擇爲吏中業儒俱萬出孫男
幾人其塋以弘治某年月日其地則某鄉某里
之原也君諱捷字好古別號敏齋爲人剛直好
義及門受業者率有成效多技能善楷隸下至
顧陸軒岐之術亦皆旁通云銘曰樂只郡博勝

芹鳴鐸遺編充構君樓于山得書匪艱蠹穴其
間而仕蚤不得試學不分志君隱終身餘六十
春宜其日新群書落落鄰侯家學手彙有託蟬
蛸二儀彼虛歲時視君堪悲年非上壽持孰不
朽教蔭所有